

## Последование Всем Святым, в земли Швейцарстей просиявшим

творение Амвросия, епископа Женевского

### На вечерни стихиры, глас 4-й

VIII Поим людие вернии, / славу мученик, обagrивших кровию своею знамя, / на немже утверждается светлый крест Христов: / яко истиннии вои Христовы, славный полк, / ратоваша даже до смерти, / да стяжают безсмертную жизнь: / имже молимся, / да оросит их кровь сухую землю душ наших, / во еже прозябнути тамо благодати спасительней.

IX. О святии святителие земли Швейцарския<sup>1</sup>, / не пощадите ваших трудов, и тяготы ни во чтоже вменисте, / да созиждете забрало нерушимое веры / и устройте в душах паствы ваша / храм духа Святаго. / И ныне вас молим, / о зодчии церковнии, / положити в душах наших краеугольный камень веры.

X. Пост, бдение и молитва орудия быша, / имиже возделасте, удобристе и насеясте землю Швейцарскую, / во еже прозябнути тамо плоду веры, / О святии пустынницы и подвижницы. / И ныне, яко делатели вернии, / печётися о жатве, / молящися о спасении душ наших пред престолом Господним.

### Слава, глас 6

Днесь земля Швейцарская / благодарения Господу своему воздаёт: / Крест бо во знамя прият, / блюдет ю от казней и скорбей. / Ныне мученицы агауистии радуются со праведными, / Марий, Протасий, Салоний, Феодул / и вси святителие поют с ликом апостольским, / пустынницы иурастии веселятся со пророки, / и мы сочетаим наша гласы со ангельскими, / хвалити создателя всякия вещи / и у него просити спасения душам нашим.

И ныне, Богородичен догматик, во глас недели Октоиха.

### На стиховне. Слава, глас 4:

Ежелетнюю память днесь / святых соотечественник наших совершающе, / достойно сия да ублажим. / Тии воистинну чрез вся блаженства Господня проидоша: / обнищавше бо духом обогатися, / и кратцы бывше землю кратких наследоваша, / плакавше утешишася, / алкавше правды насытишася, / миловавше помиловани быша, / чисти бывше сердцем Бога якоже мощно узреша, / миротворивше божественного сподобишася синоположения, / гоними же и мучими правды ради и благочестия бывше, / на небесех ныне веселятся и радуются / и прилежно молятся Господеви / помиловатися Отчеству нашему.

---

<sup>1</sup> В оригинале Последования на французском языке используется производное от древнего названия Швейцарии (лат. Helvetia) *ельветийский*. Здесь и далее в целях удобочитаемости *ельветийский* заменяется на *швейцарский*. В случае обозначения реалий Древней Церкви сохраняется слово Гельвеция.

Тропарь, глас 8-й:

Якоже плод красный Твоего спасительнаго сеяния, / земля Швейцарская приносит Ти, Господи, / вся святыя, в той просиявшия. / Тех молитвами в мире глубоче // Церковь и Отечество наше силою Креста Твоего соблюди, Многомилостиве.

На **утрени** канон воскресен со ирмосом на 4, Богородицы на 2, и святых на 8.

Канон святых во глас Октоиха, иже прилучится. Ирмосы воскресны.

Песнь 1

*Святѣи Швейцарстѣи, моли́те Бо́га о нас.*

Повелѣнием царя земнаго, о Маврикіе, / привел еси полк твой от Египта дальняго / даже до Гельвеціи, / zde за Царя Небеснаго ратовал еси с дружиною даже до смерти.

*Святѣи Швейцарстѣи, моли́те Бо́га о нас.*

Не повинувшися повелѣнію нечестивому мучительскому, / славный полк мученик Божественных / положиша железо оружія своего / и оружіем духовным веры / фивеяне прияша венец нетленный.

*Слава:* Кровь шести тысяч спутников Маврикія, Кандида и Иннокентія / обагри воды Ронскія. / Яко сокровище священно / река принесе до моря великаго / весть победы воев Христовых.

*И ныне:* С чинми ангел, Владычице, / со пророки, и апостолы, и со всеми святыми / за ны, грешныя, Богу помолися, / Твоего Покрова праздник в земли нашей прославляшия.

Катавасія, глас 4-й:

Отверзу уста моя, / и наполнятся Духа, / и слово отрыгну Царице Матери, / и ялюся, светло торжествуя, // и воспою, радуясь, Тоя чудеса.

Песнь 3

*Святѣи Швейцарстѣи, моли́те Бо́га о нас.*

Ни един же воин не ослабе во Агаунии / пред лицем страшныя брани, / обаче суди Господь послати некия от верных своих фивеян / нести во иная места весть спасенную.

*Святѣи Швейцарстѣи, моли́те Бо́га о нас.*

Урсе и Викторе, / в Салодуре старец Викентий прият вы, / да научит Евангелию: / мучитель же хотя потребити и память вашу, / вверже в реку казненная телеса ваша. / Но устрои Господь да изыдетя оттуду, / во еже утвердит славу Его / на месте погребения вашего.

*Слава:* И ты, Экзуперіе, укрыт бысть во Туртизе / благочестивыми Феликсом и Регулою. / Но зане слову истины не мощно утатися, / брат и сестра причастятся всею радостію / мученичеству фивеянина.

*И ныне:* Се время заступления Пресвятыя Богородицы прииде, / умножившимся соблазном, / се время наших к Ней воздыханий, о братие, / рцем убо от всего сердца нашего: / Владычице, Владычице, помози людем Твоим.

**Катавасия, глас 4-й:**

Твоя песнословцы, Богородице, / живый и неизвестный источник, / лик Себе  
совокупляши духовно утверди, / в Божественной Твоей славе, // венцев славы  
сподоби.

**Песнь 4**

*Святый Швейцарстии, моли́те Бо́га о нас.*

Со Афанасием безстрашным исповедником Александрийским, / Иларий, друг Великого  
Василия и Григория, / Амвросий святитель Медиоланский / и Мартин чудотворец  
Туронский, / сиречь Церковь вся / приходит чтить Божественных мученики, / яже ей  
представляет земля Швейцарская.

*Святый Швейцарстии, моли́те Бо́га о нас.*

Утвердив Церковь Василийскую, / был еси пастырь прилежен твоим овчатам, Панталіе.  
/ И егда Урсула и сопутницы ея приидоша во град твой, / якоже паломники тех достойно  
прим, / сопроводил еси последы святых девы на мученичество.

*Слава:* О Феодуле, / был еси апостол неустанный епархии, ти врученныя, / яко несл еси  
Евангелие даже до глубины долий ея, / и сие сподоблен бысть обрести мощи  
Маврикия и фивейн / и создати святилище, идеже сии почитаются.

*И ныне:* О Дево Мати Божия, / упование христианом, / подаждь и нам прежнее  
милосердие Твое, / еже подала еси отцем нашим, / храни и соблюдай нас от всякого зла.

**Катавасия, глас 4-й:**

Седяй в славе / на Престоле Божества / во облаце легце, / прииде Иисус  
Пребожественный, / нетленною дланию / и спасе зовущия: / слава, Христе, силе Твоей.

**Песнь 5**

*Святый Швейцарстии, моли́те Бо́га о нас.*

С юного возраста, Маріе, / обетовал еси себе Господу, / Ему же посвятил еси твоя  
богатства и труды, / и Той повери Церковь Лавсодунскую премудрости твоей, / яже  
мучением просия далече.

*Святый Швейцарстии, моли́те Бо́га о нас.*

Достояние отеческое Ти повеле создати Церкви, / имже сам сотворил еси чаши, / о  
Святый святителю Маріе. / Пастырская ревность твоя подвиже тя / нести слово  
истины во пределы твоея епархии / и сретити Понтия Святаго пустытника, / егоже  
соделал еси наставника обителем, / яже устроил еси в Иуре.

*Святый Швейцарстии, моли́те Бо́га о нас.*

Избрав смирение, пост и молитву, / пеклся еси помощи озлобленным, / питати алчущия  
и утешати оскорбленные, / о Маріе истинный пастырю овец, / яже Христос ти повери.

*Слава:* О Протасие, / достойный преемниче Марія Святаго епископа, / град твой вверив  
заступлению Матере Божия, / умерл еси трудяся ради нищайших паствы твоея.

*И ныне:* Хра́м еси́ Пречи́стый Бо́га, / Егóже ничто́же возмо́жет обдержáти, Влады́чице, / Твои́м Предста́тельством сози́жди и ны́ моля́щихся Тí / хра́мы благода́ти Бо́жия.

**Катавасия, глас 4-й:**

Ужасóшася вся́ческая / о Божéственной сла́ве Твоéй: / Ты бо, Неискусобра́чная Дéво, / имéла еси́ во утробе над все́ми Бо́га / и родила́ еси́ Безлётнаго Сы́на, / всем воспевáющим Тя // мир подавáющая.

**Песнь 6**

*Святíи Швейцарстии, моли́те Бо́га о нас.*

Салóние, ты́ еси́ украше́ние Цéркве Генáвския, / проповéдник неуста́нный Ева́нгелия, / учи́л еси́ сло́ву лю́ди твоя́, / и бы́сть о́браз благоче́стия и Правосла́вия.

*Святíи Швейцарстии, моли́те Бо́га о нас.*

Клотíльдо, святáя блаже́нная, / пре́жде не́же просветíти твоéю véрою супру́га твоегó, / имéла еси́ ра́дость приима́ти во гра́де твоéм оте́чеством / мо́щи му́ченика Ви́ктора, / святáго заступника Генáвскаго.

*Слава:* И ты́, святы́й царю́ Сигисмо́нде, / об и́стине пéрвое твоé попече́ние имéв, / избежа́л еси́ сетéй еретических, / и яко учени́к véрный Авита́ / святáго еписко́па Лугду́нскаго, / возвра́тил еси́ ца́рство твоé в Правосла́вие.

*И ныне:* Твои́ми моли́твами, о Святáя Ма́ти Бо́жия, / да возмо́жем свободи́тися от грéх на́ших, / во éже прия́ти, Дéво Пречи́стая, / Божéственное просвеще́ние Сы́на Твоегó, / из чре́ва Твоегó вопло́щшагося.

**Катавасия, глас 4-й:**

Божéственное сие́ и всечестно́е / соверша́юще пра́зднство, / богому́дрии, Богома́тере, / прииди́те, рука́ми воспле́щим, / от Нея́ ро́ждшагося Бо́га сла́вим.

*Господи, помилуй (Трижды). Слава... и ныне.*

**Кондак, глас 4:**

Егда́ обре́те ме́сто Га́лл, / éже на поще́ние ему́ предназна́чил еси́, Влады́ко, / воздви́же Крест́ и Тебе́ воспé: / Го́споди Иису́се Христé, / И́же челове́чество спасы́и на Крестé, / благово́ли да ме́сто сие́ Тебе́ посвятíтся / и не умолчи́т когда́ пéти Тебе́ хвалы́.

**Икос:**

Прииди́те, лю́дие véрнии, / глас́ наш причте́м ко гласу́ Маври́кия со дружи́ною, / святы́х святите́лей и пусты́нник, и про́сим: / Влады́ко вся́кия тва́ри / да́руй душáм на́шим спасе́ние, / да земля́ Швейцарская́, ю́же заступа́еши Крестóм Твои́м Честны́м, / не умолчи́т когда́ пéти Тебе́ хвалы́.

**Синаксарь**

В настоя́щий же день́ празднуем па́мять всех́ святых, в земли́ Швейцарстей в праведности́ просия́вших. Их моли́твами, Господи́ Иису́се Христэ́, Сы́не Божий, помилуй и спаси́ на.

## Песнь 7

*Святїи Швейцарстии, моли́те Бо́га о нас.*

Ра́дуйся, землѣ Швейца́рская, / я́ко вся ты́ населѣлася еси́ / от Лу́кия, Емери́ты и Плаки́да, / Урса́нны и Пирми́на, / Беа́та и Верѣны / и всѣх прѣчих пусты́нник и по́стник. / По́й убо́ с ними: / Бо́же оте́ц на́ших, благослове́н еси́.

*Святїи Швейцарстии, моли́те Бо́га о нас.*

От Ге́навы сто́льнаго гра́да свое́го / благочестѣ́вый ца́рь Сигисмо́нд при́иде во Агау́ну, / да воздвѣ́жет та́мо оби́тель во сла́ву му́ченик фивѣ́йских, / и повеле́ воспѣва́ти та́мо непреста́нно: / Бо́же оте́ц на́ших, благослове́н еси́.

*Слава:* Ге́рман святы́й игу́мен Вели́кия Юдо́ли / при́иде с сопо́стником своимъ Рандоа́льдом / свидѣ́тельствovati да́же до кро́ве о пра́вде пред мучи́телем, / е́гоже нечестіе слепо́е убѣ́йцу сотвори́. / Но Оди́лия е́го свята́я дщи́, / свобожде́нна от слепоты́ предста́тельствомъ святы́х му́ченик, / отве́рзе о́чи пока́янія отцу́ своему́, и́же возопи́: / Бо́же оте́ц на́ших, благослове́н еси́.

*И ныне:* Де́во Блаже́нная, / Ты́ еси́ воистинну́ о́трасль, прозя́бшая от ко́рене Иессе́ова, / ро́ждшая Пло́д спасѣ́нія ве́рным, / глаго́лющим Твоему́ Сы́ну: / Бо́же оте́ц на́ших, благослове́н еси́.

### Катавасія, глас 4-й:

Не послужи́ша твари́ богому́дрии / паче Созда́вшего, / но о́гненное прещѣ́ние му́жески попра́вше, / ра́довахуся, пою́ще: / препѣ́тый отце́в Госпо́дь и Бог, благослове́н еси́.

## Песнь 8

*Святїи Швейцарстии, моли́те Бо́га о нас.*

Егда́ о́блацы тяжчи́и язы́чества / собра́шася на землѣ́ на́шей, / Коломба́н и Га́лл с дружи́ною свое́ю / и Фридоли́н преплы́ша мо́ре, / во е́же призвати́ ны́ пѣти с ними: / вся́ дела́ Господ́ня, хвали́те Е́го / и превозноси́те во вся́ ве́ки.

*Святїи Швейцарстии, моли́те Бо́га о нас.*

Горѣ́л еси́ желáниемъ поклонѣ́тися мощѣ́мъ Ила́рия / и́стиннаго испове́дника ве́ры, / о Фридоли́не, / и в Пикта́вии учи́тель тво́й яви́ся ти́ / повеле́ти, да и́дещи пробуди́ти ве́ру во Аламáнии. / Та́кожде, святы́й проповѣ́дниче, / да́л еси́ твоѣ́ имя юдо́ли кларстей, / во е́же пѣти с тобо́ю: / вся́ дела́ Господ́ня, хвали́те Е́го, / и превозноси́те во вся́ ве́ки.

*Благословимъ Отца́ и Сы́на и Свята́го Духа, Господа́:*

Ни прещѣ́ния, ни́же ка́зни, / ни́же мра́з, ни́же зве́ри / отврати́ша тя́ от ме́ста, е́же Бо́г ти́ назна́менована, / Га́лле святы́й паломни́че Ева́нгелия. / И си́це лю́дие Австра́зийстии возврати́шася к Бо́гу /и воспѣ́ша с тобо́ю: / вся́ дела́ Господ́ня, хвали́те Е́го / и превозноси́те во вся́ ве́ки.

*И ныне:* Де́во, паче естества́ родила́ еси́ / Бо́га Сло́ва, / Творца́ и Спаси́теля: / те́мже Тя́ поѣ́м во вся́ ве́ки.

### Катавасія, глас 4-й:

Отроки́ благочестѣ́выя в пещи́ / Рожде́ство Богоро́дичо́ спасло́ есть: / тогда́ убо́

образуемое, / ныне же действующее, / вселенную всю воздвизает пѣти Тебе: / Господа пойте, дела, / и превозносите Его во вся веки.

### Песнь 9

*Святѣи Швейцарстии, моли́те Бо́га о нас.*

О горы Иура́ския, / и́на Фива́ида яви́стеся, / иде́же процветѣ мно́жество ино́к, пусты́нник и по́стник. / От ва́с высоты́ возно́сят гла́с / святы́х оте́ц на́ших, / полага́юще пред Престо́лом Бо́жиим / хвалу́ и благодарѣние земли́ Швейцарския.

*Святѣи Швейцарстии, моли́те Бо́га о нас.*

Име́рие, оста́вил еси́ твоѣ оте́чество, / да позна́еши зе́млю Рожде́ства Господ́ня. / Та́мо учени́к бы́сть и при́сный патриарха́ Ма́тере Церквѣй, / та́же возврати́лся еси́, / да учи́ши твоя́ единоплеме́нники / свѣтлости́ святы́х ме́ст и всемо́гущей сла́ве спасѣ́ния.

*Святѣи Швейцарстии, моли́те Бо́га о нас.*

Ромáne, ты́ пожи́л еси́ по сло́ву Творца́, / в лесу́ непрохо́дном основа́л еси́ рай ино́ческий, / с Лупомъ бра́том твоимъ по кро́ви и пощѣ́нию, / и Ио́лою ва́шею сестро́ю, / наста́вили естѣ́ мно́жество ве́рных на пу́ть спасѣ́нный.

*Слава:* Прозре́ние и ми́лостыня, / любя́ бы́ ближняго и да́р целе́бный / сия́ти ва́с сотвори́ яко́же зве́зды, / о святѣи́х отцы́ Лупе́ и Ромáne, / и свѣтлость ва́ших чудѣ́с освещáет зе́млю Швейца́рскую.

*И ныне:* Ила́рие святы́й святите́лю Пиктави́йский, / учи́телю и́стины, / наста́ви твоя́ учени́ки Швейца́рския / сла́вити Ма́терь Бо́жию, глаго́люще: / Де́ва, и Рожде́ство Ея́, и Сынъ рожде́йся от Нея́, / та́же Крѣ́ст, и сме́рть, и пребы́вание во а́де, / се́ на́ше спасѣ́ние. / Яко́ ро́да ра́ди челове́ческаго / Сынъ Бо́жий удо́стои роди́тися / от Де́вы и Ду́ха Свята́го.

### Катавасия, глас 4-й:

Всяк земно́родный / да възигра́ется, Ду́хом просвещáемь, / да торже́ству́ет же безплотныхъ умовъ естество́, / почита́ющее свяще́нное торже́ство Богома́тере, / и д авопо́ет: / ра́дуйся, Всеблаже́нная, // Богоро́дице Чи́стая Присноде́во.

### Малая ектения

Свят Господь Бог наш (трижды)

Эксапостиларий воскресен евангельский

Слава Отцу и Сыну и Святому Духу

Светилен святым Швейцарстим, глас 2-й

Восхва́лим пѣсньми свети́льники негаси́мая земли́ Швейца́рския, / прия́телища сло́ва Боже́ственнаго: / сла́вяще Христа́, и́же возлюби́ я и просвети́, / прие́млем предста́тели душáм на́шим.

И ныне и присно и во веки веков. Аминь.

Богородичен воскреснаго эксапостилария